

**ЎҚУВЧИЛАРНИНГ ТАЪЛИМДАГИ ЮТУҚЛАРИНИ БАҲОЛАШ  
ТИЗИМИНИ ХАЛҚАРО ТАЛАБЛАР АСОСИДА ТАКОМИЛЛАШТИРИШНИНГ  
НАЗАРИЙ ВА ИНСТИТУЦИОНАЛ АСОСЛАРИ**

DOI: <https://doi.org/10.53885/edinres.2022.28.34.014>

*Исмаилов Абдували Абдумаликович,*

Таълим сифатини баҳолаш бўйича халқаро тадқиқотларни амалга ошириш миллий  
маркази директори

**Аннотация.** Мақолада Ўзбекистон Республикасида Таълим сифатини баҳолаш тизимида халқаро дастурлар ва талабларни жорий этишга тайёргарлик кўриш ва халқаро тадқиқотларни ташкил этиш бўйича қабул қилинганд меъёрий-хукукий ҳужжатлар, халқаро ташкилотлар билан келишувлар ҳамда уларнинг мазмуни хақида сўз юритилади. Шунингдек, PISA, PIRLS, TIMSS ва TALIS тадқиқотлари ҳақида қисқача маълумотлар, уларнинг ўзига хос хусусиятлари, ушбу тадқиқотлар ёрдамида ўқувчиларнинг баҳоланадиган компетенциялари ҳамда таълим сифатига таъсир этувчи омиллар ҳақида фикрлар келтирилади. Янгича ёндашувларга асосланган тадқиқотлар ҳақида умумтаълим муассасалари жамоаларининг тасаввурларини бойитиш йўлида амалга оширилган чоратадбирлар ҳақида таҳлил қилинади. Шунингдек, халқаро дастур талаблари асосида ташкил этилган тажриба-синови ҳамда тадқиқотлар асосида миллий баҳолаш тизимини такомиллаштириш йўлига ортирилган тажрибалар ҳақида фикр юритилади. Мақола сўнгидаги муаллифнинг холосалари ва халқаро тадқиқотларда муваффақиятли иштирок этиш ҳамда унинг тажрибаси асосида миллий баҳолаш тизимини такомиллаштириш бўйича тавсиялар келтирилади.

**Таянч иборалар:** Халқаро тадқиқотлар, PISA, PIRLS, TIMSS, TALIS, миллий баҳолаш, хукукий асос, компетенция, саводхонлик, таҳлил.

**ТЕОРЕТИЧЕСКИЕ И ИНСТИТУЦИОНАЛЬНЫЕ ОСНОВЫ  
УСОВЕРШЕНСТВОВАНИЯ СИСТЕМЫ ОЦЕНКИ ОБРАЗОВАТЕЛЬНЫХ  
ДОСТИЖЕНИЙ УЧАЩИЙСЯ НА ОСНОВЕ МЕЖДУНАРОДНЫХ ТРЕБОВАНИЙ**

*Исмаилов Абдували Абдумаликович,*

Национальный центр международных исследований по оценке качества образования

**Аннотация** В статье рассматриваются нормативно-правовые акты, принятые для подготовки и внедрения международной программы в национальной системе оценки качества образования в Республике Узбекистан, а также организации международных исследований, документы о сотрудничестве с международными организациями и их содержание. Он также предоставляет краткий обзор исследований PISA, PIRLS, TIMSS и TALIS, их особенности, о компетенциях, которые студенты будут оцениваться с помощью этих исследований. Проведется анализ проделанной работы на национальном уровне, чтобы обогатить воображение средних школ об исследованиях основанные на новых подходах. Также, основываясь на опыте-тесте и исследованиях, организованных в соответствии с требованиями международной программы, даются мнения об опыте, накопленном на пути совершенствования Национальной системы оценки. В конце статьи приведены выводы автора и рекомендации для успешного участия в международных исследованиях а также усовершенствованию национальной системы оценки качества.

**Ключевые слова:** международные исследования, PISA, PIRLS, TIMSS, TALIS, национальная оценка, правовая база, компетенция, грамотность, анализ.



## THEORETICAL AND INSTITUTIONAL FOUNDATIONS FOR IMPROVING THE ASSESSMENT SYSTEM OF STUDENT'S EDUCATIONAL ACHIEVEMENT BASED ON INTERNATIONAL REQUIREMENTS

*Ismailov Abduvali Abdumalikovich,*

National center for international studies on the assessment of quality of education

**Abstract.** The article deals with the normative legal acts adopted for the preparation and implementation of international programs in the national system for assessing the quality of education in Uzbekistan, as well as the organization of international research, documents on cooperation with international organizations and their content. It also provides a brief overview of the PISA, PIRLS, TIMSS and TALIS studies, their features, about the competencies that students will be evaluated through these studies. The analysis are conducted about the work done at the national level to enrich the imagination of secondary schools about researches based on new approaches. Also, based on the test experience and research organized in accordance with the requirements of the international program, opinions are given on the experience gained in improving the National Assessment System. At the end of the article, the author's conclusions and recommendations for successful participation in international research and improving the national quality assessment system of are presented.

**Key words:** International Studies, PISA, PIRLS, TIMSS, TALIS, national assessment, legal framework, competence, literacy, Analysis.

Ўзбекистон Республикасида ёшларни мустақил ҳаётга тайёрлаш, таълим сифатини ошириш, ўқитувчиларнинг жамиятдаги мавқеини кўтариш, халқаро нуфузли рейтингларда муносаб ўринларни эгаллаш масалаларига алоҳида эътибор қаратилмоқда.

Бу борада “Таълим тўғрисида”ги қонуннинг янги таҳрири қабул қилинди, Таълимнинг барча босқичларини 2030 йилгача ривожлантириш бўйича концепциялар, Миллий малакалар рамкаси қабул қилинди ҳамда амалиётга татбиқ этиб борилмоқда.

“Бугунги кунда, таълим - нафақат ўқувчиларга бирор нарсани ўргатиш, балки уларга тобора мураккаблашиб ва ўзгариб бораётган дунёда, ўзига бўлган ишонч билан илдам ҳаракатланиш учун ёрдам берадиган зарурий имкониятлар билан таъминлаш жараёнидир”. Таълим сифати ва самарадорлигини ошириш йўлида хорижий илгор тажрибаларни ўрганиш, халқаро стандартларни жорий этиш, мавжуд тизимни қиёсий таҳлил қилиш ва замон талабларига жавоб берадиган миллий баҳолаш тизимини такомиллаштириш долзарб аҳамиятга эга.

Ушбу мақсад йўлида Ўзбекистон Республикаси хукуматининг қабул қилиниб, унга мувофиқ, ўқувчилар саводхонлигини баҳолаш бўйича халқаро PISA, матнни ўқиб тушуниш даражасини баҳолаш бўйича PIRLS, математика ва табиий-илмий фанлар бўйича халқаро ўрганиш тенденцияси TIMSS, ўқитиш ва ўрганиш бўйича халқаро сўровнома TALIS тадқиқотларида Ўзбекистон Республикаси умумтаълим муассасаларининг иштирокини таъминлаш вазифалари белгиланди.

Мазкур тадқиқотлар нуфузли халқаро ташкилотлар томонидан амалга оширилиб, профессионал ва илмий асосланган ёндашувлар асосида ташкил этилади. Ўз навбатида ушбу тадқиқотлarda иштирок этиш учун киришган давлатларда алоҳида тузилманинг (кўп ҳолларда Миллий марказлар деб юритилади) мавжуд бўлиши тадқиқотлар мұваффакиятли амалга оширилишининг асосий омилларидан ҳисобланади. Чунки, халқаро тадқиқотларга тайёргарлик кўриш ва уни ташкил этиш учун алоҳида илмий ва профессионал даражадаги ёндашув талааб этилади. Ушбу мақсад йўлида Вазирлар Маҳкамаси хузуридаги Таълим сифатини назорат қилиш давлат инспекцияси тизимида Таълим сифатини баҳолаш бўйича халқаро тадқиқотларни амалга ошириш миллий маркази ташкил этилди.

Миллий марказнинг асосий вазифалари этиб, халқаро тадқиқотларни ташкил этиш ва мувофиқлаштиришда Ўзбекистон Республикасининг вакили сифатида иштирок этиш(1); ўқиш, математика ва табиий йўналишдаги фанлардан саводхонлик даражасини

ривожлантиришга йўналтирилган илмий изланишлар олиб бориш(2); таълим сифатини баҳолаш соҳасида халқаро алоқаларни ўрнатиш, лойиҳалар ишлаб чиқиш ва амалга ошириш(3); фундаментал ва амалий тадқиқотлар ўтказиш(4); тадқиқотларни илмий ва услубий жиҳатдан кўллаб-кувватлаш(5); умумий ўрта таълим муассасаларининг халқаро тадқиқотларда муваффақиятли иштирок этишини таъминлаш(6); халқаро баҳолаш дастурларида қайд этилган натижаларни дунё мамлакатлари билан қиёсий таққослаш ва бошқалар белгиланди.

Хорижий мамлакатларнинг халқаро тадқиқотларда иштирок этиш ва таълим сифатини таъминлашдаги тажрибалар.

Ўқувчиларнинг ютуқларини баҳолаш ва таълим сифатига таъсир этувчи омилларни таҳлил этишга қаратилган халқаро баҳолаш дастурларида муваффақиятли иштирок этишга тайёргарлик кўришда халқаро ҳамкорлик мухим аҳамиятга эга. Ушбу йўналишда, Таълим инспекцияси билан қатор халқаро ташкилотлар, яъни Иқтисодий ҳамкорлик ва тараққиёт ташкилоти (OECD), Таълим соҳасидаги ютуқларни баҳолаш халқаро ассоциацияси (IEA), Таълим соҳасидаги тадқиқотлар бўйича Австралия кенгаши (ACER), Жаҳон банки, Таълим тест хизмати (ETS, АҚШ), Вестат (АҚШ), Халқаро лингвистик сифатни таъминлаш маркази (cApStAn, Бельгия), Бостон коллежидаги TIMSS ва PIRLS халқаро тадқиқот маркази (АҚШ), Канада статистика маркази (Канада), Таълимни ривожлантириш стратегияси институти (Россия) ва бошқа нуфузли ташкилотлар билан ҳамкорлик алоқалари ўрнатилди. Ушбу ташкилотлар билан икки томонлама ўзаро манфаатли алоқаларни, жумладан молиявий кўллаб-кувватлаш, салоҳиятни ўрганиш ва ривожлантириш, тадқиқотларга тайёргарлик кўриш ва ўтказиш ҳамда ўқув-услубий томондан кўллаб-кувватлашни таъминлайдиган келишув хужатлари имзоланди.

“Ўзбекистон Республикаси Халқ таълими тизимини 2030 йилгача ривожлантириш концепцияси” асосида ушбу дастурларда иштирок этиш масаласи янада мустаҳкамлаб қўйилди ҳамда ўқувчиларнинг билим даражасини баҳолашда PISA, TIMSS, PIRLS ва бошқа дастурларда доимий иштирок этиш кўзда тутилди. Шунингдек, Концепциянинг максадли кўрсаткичлари белгиланган бўлиб, унга кўра PISA баҳолаш дастури рейтингида Ўзбекистоннинг 2030 йилга келиб, биринчи 30 та илфор мамлакатлар қаторига кириш максадлари илгари сурилган.

Ушбу мақсадли кўрсаткичлар ортида, Ўзбекистоннинг миллий таълим тизимини ривожлантириш, жозибадорлигини ошириш, ўқувчиларнинг ўқиши, математика ва табиий йўналишдаги фанлардан саводхонлик даражасини баҳолашга йўналтирилган миллий баҳолаш тизимини яратиш мақсадлари илгари сурилган.

Шунингдек, Ўзбекистон Республикаси Президенти Ш.М.Мирзиёевнинг Олий Мажлисга Мурожаатномасида давлат ва жамият ҳаётининг бошқа мухим масалалари қаторида халқаро баҳолаш жараёнларига мунособ тайёргарлик кўриш, таянч мактабларни белгилаш, ўқитувчиларнинг малакасини ошириш каби вазифаларга алоҳида тўхталиб ўтилди. Кейинчалик ушбу вазифалар давлат дастурида ҳам ўз аксини топди.

Натижада, 2021 йилда PIRLS ҳамда 2022 йилда PISA тадқиқотларида иштирок этиш билан бир қаторда ушбу нуфузли дастурларнинг тажрибаларини ўрганиш асосида кенг қамровли миллий баҳолаш тизимини яратиш имкониятлари яратилди. Бундан ташқари 2023 йилда TIMSS ва 2024 йилда TALIS тадқиқотларида иштирок этиш бўйича келишувларга ҳам эришилди.

Шунингдек, Таълим инспекцияси, тегишли таълим вазирликлари билан Жаҳон банки ўртасида ўрнатилган ҳамкорлик асосидаги “Мактабгача ва умумий ўрта таълимни такомиллаштириш”, “Болаларни эрта ёшдан ривожлантиришини такомиллаштириш” каби лойиҳалари умумий ўрта таълим тизимини ривожлантиришнинг кўплаб йўналишлари қаторида таълим сифатини баҳолаш тизимини ҳам такомиллаштириш йўлида молиявий жиҳатдан кўллаб-кувватловчи замин яратилди.

Хорижий мамлакатларнинг тажрибалари шуни кўрсатадики, халқаро рейтинг ва тадқиқотларда доимий ва узлуксиз иштирок этиш орқали, тизимдаги ўзгаришларни кузатиб бориш ҳамда зарурий қарорлар кабул қилиш имконияти яратилади.


Турли даврийликда 1995 йилдан буён ташкил этиб келинаётган халқаро тадқиқотларнинг қамровига эътибор берадиган бўлсақ, унда иштирок этаётган мамлакат ва иқтисодиётларнинг сони ортиб бораётганини кузатиш мумкин. Мисол учун, TIMSS дастурининг дастлабки тадқиқотида 45 та мамлакат қатнашган бўлса, 2019 йилга келиб иштирокчилар сони 64 тага етди. PIRLS дастурида эса, 2001 йилда 35 тагина давлат қатнашган бўлса, 2016 йилда 50 тага етди, 2021 йилдаги тадқиқотда эса 60 та давлат, шу жумладан Ўзбекистон катнашиши кутилмоқда. Дунё бўйлаб нуфузи ортиб бораётган PISA дастурининг 2000 йилдаги илк тадқиқотида 43 та давлат қатнашган бўлса, 2018 йилда иштирокчиларнинг қамров даражаси 78 тани ташкил этди, 2022 йилдаги тадқиқотида эса 88 та давлат ва иқтисодиётлар, шу жумладан Ўзбекистон катнашиши кутилмоқда (1-диаграмма).

Бундан кўриниб турибдики, аксарият хорижий мамлакатлар хам ўзининг таълимга оид сиёсатини белгилаш, Миллий баҳолаш тизимини такомиллаштиришда халқаро тадқиқотларнинг тажрибалари, натижалари ва солишишторма таҳлиллари мухим ўрин тутади, унда иштирок этиш орқали миллий жамоа ва мутахассисларининг салоҳиятини ривожлантиради.

Халқаро таълим эксперти, Андреас Шлайхер ўзининг “Дунё даражасидаги таълим: XXI аср мактаб тизимини қандай қуриш лозим?” номли китобида таълим соҳасини тиббиёт соҳасига қиёслайди, унинг сўзларига кўра, “тиббиёт соҳасида шифокор беморнинг биринчи навбатда истмасини ўлчайди, ташхис қўяди ва даволаш учун энг самарали даво усулини аниклади. Таълим тизимида, биз ўкувчиларни ўқитамиз ва ўкув йилининг охирида ташхис қўямиз, яъни баҳолаймиз.”

Шундан келиб чиқиб, биз ҳам маъжозий маънода халқаро тадқиқотларни “хорижий замонавий ташҳис”га қиёслаб, таълим тизимида сақланиб қолаётган муаммоларга холис назар ташлаб, ижобий тавсияларга эга бўлишимиз мумкин бўлади.

**1-диаграмма. Халқаро тадқиқотларда давлатларнинг иштирок этиши динамикаси**



Давлат сиёсати даражасига кўтарилиб, ҳар томонлама қўллаб-кувватланаётган халқаро дастурлар ҳакида қисқача тўхталиб ўтиш жоиздир. Агарда таълим реал ҳаётий талабларга жавоб бермас экан, ёш авлод ўзининг вақти ва кучини унга сарфлаш эҳтимоли жуда кам. Ушбу мақолада фикр юритилаётган халқаро дастурларнинг асосий аҳамияти шундаки, у ўкувчиларнинг олган билимларини ҳаётий вазиятларда қўллай олишини баҳолайди[4].

PISA-инглизчадан олинганд қисқартмабўлиб, Program for international student assessment – Ўкувчиларни баҳолаш халқаро дастури деган маънони англатади. Ушбу дастур OECD томонидан амалга ошириладиган бўлиб, у дунё бўйлаб 15 ёшли ўкувчиларнинг ўқиш, математик ва табиий-илмий саводхонлик даражасини баҳоловчи халқаро тадқиқотdir. Тадқиқот анъанавий равища

3 йилда бир маротаба ўтказилиб, ҳар бир даврийликда биттадан йўналишга устуворлик берилади ҳамда битта инновацион йўналиш киритилади. 2022 йилда ўтказилиши режалаштирилган тадқиқотда инновацион йўналиш сифатида ўқувчиларнинг креатив фикрлаш компетенциялари ҳам баҳоланади. Унда ўқувчилар мактабда эгаллаган билимларини қанчалик эслаб қолганликлари эмас, балки олган билимларини реал ҳаётий вазиятларда кўллай олишлари, ижодий ва мантиқий фикрлаш кўникмалари баҳоланади.

PIRLS инглиз тилидаги Progress in international reading and literacy study сўзларидан олинган бўлиб, Ўқувчиларнинг ўқиб тушуниш даражасини баҳолашга мўлжалланган ҳалқаро тадқиқот дастуридир. Мазкур дастур IEA томонидан ҳар беш йилда бир маротаба амалга оширилиб, унда PISAдан фарқли равишда бошланғич таълимдаги 4-синф ўқувчиларининг бадиий тажриба орттириш, ахборот олиш ва ундан фойдаланиш кўникмалари баҳоланади. Ушбу ҳалқаро дастур боланинг мустақил инсон сифатида ривожланишида катта аҳамият касб этиб, бошланғич таълимда таҳсил олаётган ўқувчиларнинг ўқиб тушуниш кўникмаларини ҳалқаро миқёсда баҳолайди. PIRLS дастурида асосий эътибор 4-синф ўқувчиларига қаратилади, бунинг боиси одатда, ушбу ривожланиш даврида ўқувчилар ўқиши кўникмасини ҳосил қилган бўлиб, энди бу кўникмадан бошқа фанларни ўрганишда фойдаланаётган бўлади.

TIMSS инглиз тилидаги Trends in International Mathematics and Science Study сўзларидан олинган бўлиб, умумий ўрта таълимдаги математика ва табиий фанлардан таълим сифатини баҳолашга мўлжалланган ҳалқаро тадқиқот дастуридир. TIMSS ҳам IEA томонидан жорий этиладиган PIRLS билан ҳамнафас келадиган дастур бўлиб, унда 4-, 8-синф ўқувчиларининг математика ва табиий фанлар бўйича билимлари ва саводхонликлари ҳар тўрт йилда бир маротаба ҳалқаро даражада баҳоланади. Шунингдек, 2015 йилга қадар битирувчи синф ўқувчилари ҳам тадқиқотларда иштирок этган. Ушбу дастур ўқувчиларнинг асосан фундаментал билимларини ва мантиқий фикрлашини аниқлашга қаратилади.

Математика кундалик ҳаётда, мухандислик, архитектура, бухгалтерия ҳисоби, банк иши, бизнес, тиббиёт, экология ва аэрокосмик саноат каби фаолиятнинг кўплаб соҳаларида зарур ҳисобланади. Математика иқтисод ва молия, ҳамда ҳисоблаш технологиялари ва дастурий таъминотни ишлаб чиқишида ҳаётий муҳим аҳамиятга эгадир. Замонавий ўзгариб бораётган дунёда, ўқувчиларнинг янги кўникмаларни ўзлаштириш ва муаммоларни ҳал қилиш қобилиятлари биринчи даражади аҳамият касб этади. Математика ва табиий фанларни баҳоловчи тизим сифатида TIMSS мониторинг учун қимматли манба бўлиб ҳисобланади.

Кўпинча STEM сифатида танилган табиий фанлар, технология, мухандислик ва математика ўқув дастурининг таянч соҳалари ҳисобланади. Шуниси аёнки, бугун кўпигина ишчи ўринлари математика ва табиий фанларнинг базавий тушунчаларга эга бўлишни талаб этаётган бўлса, бу холат кейинчалик янада долзарб аҳамият касб этади.

TALIS билим ёки компетенцияни баҳолайдиган эмас, балки таълим муассасасидаги бошқарув мухитини ўрганадиган дастурдир. Унда ўқитувчilar ва мактаб директорлари ўртасида сўровномалар ўтказиши орқали таълим соҳасида олиб борилаётган сиёсатнинг самарадорлиги ҳақида қиёсий ва таҳлилий маълумотлар олиш имконияти вужудга келади.

Санаб ўтилган дастурларнинг баҳолаш қамрови доираси ва тадқиқот йўналишлари ҳақидаги маълумотлар жадвалда келдирилган (1-жадвал).



Номи н	Боюлган йыл Дастирилган (жарнамасы)	Тадқиқт										Сурекшти йўналишлари										
		Саводхонлини бахоланиш йўналишлари					Инспекцион йўналиш					Сурекшти йўналишлари										
		Математик	Табиий-химия	Учун	Муассаса тарбия	Муассаса берувланиш	Гарбия компетенция	Харбия физика	Ранжиринг жудози ўрганиш	Ўзгурунчлик	Ўзгурунчлик	Ўзгурунчлик	Ўзгурунчлик	Ўзгурунчлик	Ўзгурунчлик	Ўзгурунчлик	Он-лайн	Мониторинг	Тадқиқотчи	Мониторинг	АКТни мөнбадорлантиш	Мониторинг
PIRL S	2001	5																				
TIMS S	1995	4																				
PISA	2000	3																				
TALI S	2008	5																				
<b>Ҳалқаро дастур давлатида мажбурий тадқиқот йўналиш</b>																						
<b>Математик, табиий-химия ва ўзини саводхонлини бахоланиш йўналишнага кўнгичча рамзиёда беъти инспекциони йўналиши киратилади.</b>																						
<b>Ихтисарий раванди ўзинеанини мумкин бўлган тадқиқот йўналиш</b>																						
<b>*жизбу умбу жадвал хизбуло баромати дастурлашданга расман стапкоридаги матбулошлар асосида муттаффи мониторинг шакиб чиратни.</b>																						

1-жадвал. Ҳалқаро баҳолаш дастурларининг тадқиқот йўналишлари

Ўкувчиларнинг ютукларини баҳолашга қаратилган ҳалқаро тадқиқотларнинг аҳамияти шундаки, у ўкувчиларнинг эришган ютукларини ўрганишда барча ўкувчилардан эмас, балки ушбу қатламнинг вакиллари сифатида танлаб олинган ўкувчилардан тест ўтказиш орқали баҳоланади.

Салоҳиятни ривожлантириш ва тажриба ортириш. Ўзбекистон Республикаси ҳалқаро тадқиқотларда иштирок этиш учун расман киришганидан кейин хорижий мамлакатлар, Австралия, АҚШ, Россия, Германия давлатларидан 7 нафар ҳалқаро эксперталар жалб қилинди, 30 нафар мутахассисларнинг хорижий мамлакатларда малакаси оширилди тажрибали фан мутахассислари қаторидан ҳалқаро тадқиқотлар бўйича 260 нафар ўқитувчилар тренерлар сифатида тайёрланди ҳамда Республиkaning 14 та худудларидаги семинарлар ташкил этилди.

Ўкувчиларни ҳалқаро тадқиқотларга тайёрлашга мўлжалланган жами 35 номдаги, шу жумладан, 2021 йилда 15 номдаги ўқув-услубий материаллар, ҳалқаро тадқиқотларнинг намунавий топшириклиаридан иборат 8 та номдаги машқ дафтарлари, даврий Ахборотноманинг 3 та сони, 4 номдаги баҳолаш камров доиралари, таянч мактаблари учун 1 та тренинглар ўқув дастури ишлаб чиқилиб, мактаблар жамоалари эътиборига етказилди. Ҳусусан, 4 номдаги методик қўлланмалар 40 000 нусхада чоп этилиб, барча умумтаълим муассасаларига етказиб берилди.

Таълим инспекцияси, Ҳалқ таълими вазирлиги ва Ўзтелерадиокомпанияси билан ҳамкорликда ҳалқаро тадқиқотларнинг тегишли йўналишлари бўйича 130 номдаги видеомахсулотлар тайёрланиб, телеканаллар ва ижтимоий тармоқлардаги саҳифалар орқали кенг жамоатчиликка ҳавола этилди (2-жадвал).

2-жадвал. Халқаро тадқиқотларга оид ишлаб чиқилган видеомахсулотлар

№	Видомахсулот түри	Сони
1	Видеодар	65
2	Минус күрсітүв ва индеролниктер	14
3	Ахборот беруучи хадесе	26
4	Семинар, вебинарларнинг индебазунари	25
<b>Жалын</b>		<b>130</b>

**Манба:** Тызим сифатини баҳолаш бүйічә халқаро тадқиқотларни амалға спешірін мөшінің мәдени қысметтерінде асосида мұнданыф томандырып тайёрлана

Миллий таълим тизимига янги лойихалар, дастурлар, таълим сифатини баҳолаш ва ривожлантиришга ёндашувлар кириб келар экан, ушбу ислохотларнинг муваффакиятли бўлишида тизим иштирокчиларининг хабардорлигини ошириш мухим аҳамиятга эга. 10,0 мингдан ортиқ мактабларни қамраб олган умумий-ўрта таълим тизимида фаолият юритаётган маъмурӣ бошқарув ходимлари, педагоглар, ўқувчилар ва ота-оналар ўртасида тарғибот-ташвиқот ишларини олиб бориц, янги лойихаларнинг мазмуни, моҳияти ва ҳамиятия ҳақида уларга етказиб бериш долзарб муаммолардан ҳисобланади. Ушбу муаммоларни инобатта олган ҳолда, Таълим инспекцияси ва Халқ таълими вазирлигининг тегишли қарори асосида Республика нинг барча ҳудудларидаги 202 та туман (шахар)ларни қамраб оладиган 348 та таянч мактаблари белгиланиб, уларнинг фаолиятини ташкил этиш бүйича йўриқнома тасдиқланди.

Таянч мактаблар умумий ўрта таълим мұассасаларини халқаро тадқиқотларга тайёргарлик кўришга йўналтириш бүйича асосий методик базага эга бўлган, доимий ўқув машгулотлари, семинар-тренинглар, давра сұхбатларини ташкил этиш, илгор хорижий тажрибаларни оммалаштириш ишларини амалга оширадиган мұассасалар ҳисобланиши белгилаб қўйилди. Ушбу мақсадлар йўлида ўзига якин ҳудудлардаги 9586 та мактаблар Таянч мактабларига бириктирилиб, бунда ҳар бир таянч мактаби учун ўртача 27,5 та мактаблар тўғри келди (3-жадвал).

3-жадвал. Халқаро тадқиқотларга тайёргарлик кўришга йўналтирилган таянч мактаблар ва уларнинг қамров доирави

Т/Р	Ҳудудлар номи	Туман (шахар) сони	Таянч мактаблар сони	Биринчи мактаблар сони	Бир таянч мактабга бирақтариган ўртача мактаблар сони
1	Қарақалпакстан Республикаси	16	26	698	26,8
2	Андижон өлкеси	16	28	736	26,3
3	Букоро қаласи	13	23	510	22,2
4	Жезказган өлкеси	13	20	525	26,3
5	Қашқадарё өлкеси	15	29	1115	38,4
6	Навоий қаласи	10	16	344	21,5
7	Намangan өлкеси	12	24	681	28,4
8	Самарқанд қаласи	16	32	1215	38,0
9	Сурхандарё қаласи	15	27	894	33,1
10	Сердарё қаласи	11	15	296	19,7
11	Ташкент қаласи	22	36	853	23,7
12	Фарғона өлкеси	19	36	906	25,2
13	Хорам қаласи	13	22	514	23,4
14	Ташкент шаҳри	11	14	299	21,4
<b>Жалын:</b>		<b>14</b>	<b>202</b>	<b>9586</b>	<b>27,5</b>

Манба: Таълим сифатини назорат қилиш давлат инспекцияси ва Халқ таълими вазирлигининг “Халқ таълими тизимида таълим сифатини баҳолаш соҳасидаги халқаро тадқиқотларга тайёргарлик кўришга йўналтирилган таянч мактаблар фаолиятини ташкил этиш ҳақида” қарори (2020 йил 8-май, 17/23-ққ-сон) асосида тайёрланди.

Таянч мактабларида тажрибали педагоглар қаторидан ўқиши, математик, табиий-илмий саводхонлик, бошлангич таълимда ўқиши саводхонлигини ривожлантириш бўйича тренер-

ўқитувчилар фаолияти йўлга кўйилди ҳамда уларнинг базасида минглаб семинарлар ташкил этилди.

Давлат таълим стандартлари компетенциявий ёндашувга асосланганлигига қарамасдан, ўқитиш ва баҳолаш методлари, шунингдек дарслерлар ва бошқа ўкув материаллари асосан ахборотни ёдлаш ва баён қилишга қаратилган бўлиб, танқидий фикрлаш, ахборотни мустакил излаш ва таҳлил қилиш кўнікмалари ҳамда бошқа малакаларни ривожлантиришга тўсқинлик қилмоқда (концепциядан).

Маълумот ўрнида айтиш мумкинки, Таълим сифатини баҳолаш бўйича халқаро тадқиқотларни амалга ошириш миллий маркази томонидан таълим вазирликлари ва худудий бошқарув идоралари билан ҳамкорликда, ўкувчиларнинг компетенциялари, билимларини амалиётда кўллай олиш, матнни ўқиб тушуниш кўнікмаларини баҳолашга қаратилган жами 12 та тадқиқотлар ўтказилган (4-жадвал).

Шу ўрнида, PISA тадқиқотининг биргина устувор йўналишини келтириб ўтадиган бўлсак, унга кўра ўкувчиларнинг креатив фикрлашини баҳолаш кўзда тутилган. Ушбу устувор йўналиш XXI аср кўнікмаси сифатида эътироф этилганини инобатга олсақ, таълим тизимининг истиқболдаги ривожи ўкувчиларда ушбу кўнікмаларнинг ривожлантирилиши билан боғлик бўлиши табиий. Халқаро баҳолаш дастурлари тамойиллари асосида Ўкувчиларнинг фанлар бўйича саводхонлигини баҳолаш максадида, Республикадаги 191 та мактабларда тажриба синовлар ўтказилиб, 4873 нафар ўкувчиларнинг саводхонлиги баҳолантан эди. Унинг натижаларига кўра, ўкувчиларда олган билимларини реал ҳаётий вазиятларда кўллай олиш, мантикий фикрлаш, масалаларни ностандарт йўллар орқали ечимини топиш, шунингдек, берилган топшириклар юзасидан очиқ саволларга ўз фикрларини мустакил ёзма баён қилиш кўнікмалари етишмаслиги маълум бўлди.

4-жадвал. Таълим сифатини баҳолаш бўйича халқаро тадқиқотларни амалга ошириш миллий маркази томонидан 2019 – 2021 йиллар давомида ўтказилган тадқиқотлар хақида

№	Номинал	Годынчи оид	Годынчи оид	Критери							
				Себайи	Годынчи оид	Информатор	Информатор	Учитель	Годынчи оид	Директор	Орган
1	PISA тадқиқоти яхши ўкувчиларнинг саводхонлиги баҳолашга ҳадодид	2019 йил	2019 йил	-	-	-	-	-	-	-	-
2	Инсон хизматини широких узуих Миссионерларни тадқиқотларни	2019 йил	2019 йил	-	-	-	-	-	-	-	-
3	Инсон хизматини широких узуих Миссионерларни тадқиқотларни	2019 йил	2019 йил	-	-	-	-	-	-	-	-
4	PISA тадқиқоти яхши ўкувчиларнинг саводхонлиги баҳолашга ҳадодид тадқиқотларни	2020 йил	2020 йил	17-18	17-18	187	191	4873	-	-	-
5	PISA тадқиқоти яхши ўкувчиларнинг саводхонлиги баҳолашга ҳадодид	2020 йил	2020 йил	10-15	10-15	112	150	3922	-	-	-
6	REDS - тадқиқотларни узинчалига баҳолашга тадқиқотларни	2021 йил	2021 йил	5-11	5-11	105	150	2919	3575	150	-
7	MIRELS - Ўзинчалиги сифори ўкувчиларни ўзинчалиги сифори тадқиқотларни	2020 йил	2020 йил	5-11	5-11	11	28	1417	54	28	1417
8	MIRELS - Ўзинчалиги сифори ўкувчиларни ўзинчалиги сифори тадқиқотларни	2021 йил	2021 йил	5-14	5-14	107	180	5847	231	180	5847
9	PISA - ўкувчиларни саводхонлиги баҳолашга дастурни тадқиқотларни	2021 йил	2021 йил	12-13	12-13	83	4574	-	43	-	-
10	Тадқиқотларни бўлганинг оиди баҳолашга тадқиқотларни тадқиқотларни	2021 йил	2021 йил	12-13	12-13	9	507	59	-	-	-
11	Тадқиқотларни бўлганинг оиди баҳолашга тадқиқотларни тадқиқотларни	2021 йил	2021 йил	5-7-	5-7-	-	9	264	-	-	-
12	Тадқиқотларни бўлганинг оиди баҳолашга тадқиқотларни тадқиқотларни	2021 йил	2021 йил	5-	5-	-	150	7365	350	-	-

Материал: Годынчи оиди яхши ўкувчиларнинг саводхонлиги баҳолашга тадқиқотларни

Миллий баҳолаш тизимини такомиллаштириш, ўқувчиларнинг ютуқларини баҳолашга оид ўтказилган тадқиқотларга назар ташлайдиган бўлсақ, умумий ўрта таълимнинг аксарият босқичлари ушбу тадқиқотлар билан қамраб олингандигини кўришимиз мумкин. Масалан PIRLS дастури доирасида бошланғич синф ўқувчилари, Инсон капитали индекси учун ўтказилган миллий тадқиқот, PISA талаблари асосида Ўқувчилар саводхонлигини баҳолаш бўйича миллий тадқиқот ва бошқалари таянч ўрта таълим босқичида тахсил олаётган ўқувчиларни баҳолашда муҳим ўрин тутган.

Таълим сифатини баҳолаш бўйича халқаро тадқиқотларни амалга ошириш миллий маркази томонидан тегишли вазирлик ва идоралар, халқаро ташкилотлар билан ҳамкорликда бутун дунёни тарзага келтирган COVID-19 пандемиясининг таълим жараёнини ўрганишга қаратилган 2 та кенг қамровли, шу жумладан IEA ва UNESCO ташкилотлари билан ҳамкорликда REDS халқаро тадқиқоти ҳамда Жаҳон банки билан ҳамкорликда “Таълимдаги йўқотишларни баҳолаш” тадқиқотлари ташкил этилди.

Ўтказилган халқаро тадқиқотлар доирасида умумий ўрта таълим тизимила жорий этилган таълим жараёнларининг сифатини халқаро дастурлари асосида ўлчаш билан бир қаторда, миллий даражадаги тадқиқотларни ташкил этиш бўйича 50 дан ортиқ йўрикнома ва хужжатлар ишлаб чиқилди, 500 дан ортиқ мутахассисларнинг салоҳияти ривожлантирилди, бир сўз билан айтганда Ўқувчиларнинг таълимдаги ютуқларини баҳолашга қаратилган Миллий тизимни такомиллаштириш бўйича йирик қадамлар қўйилди.

Мазкур мақола, Миллий баҳолаш тизимини такомиллаштириш йўлида яратилган институционал асосларни таҳлил қилишга қаратилганлигини инобатга олган ҳолда, ўтказилган тадқиқот натижаларини бошқа мақолалар доирасида атрофлича ёритиб берилади.

#### Хулоса ва таклифлар.

Мақола доирасида таҳлил қилинган маълумотлар асосида шундай хулосаларга келиш мумкинки, Ўзбекистон Республикасида таълим сифатини баҳолаш тизимини ривожлантириш мухим аҳамият касб этади, халқаро баҳолаш дастурлари эса ушбу тизимини такомиллаштиришда асосий омиллардан бўлиб хизмат қиласди.

Халқаро баҳолаш дастурларига тайёргарлик кўриш, уни Ўзбекистон умумтаълим муассасаларида жорий этиш бўйича меъёрий-хуқуқий, ташкилий ва методик асослар яратилган. Ушбу дастурларнинг аҳамиятини тарғиб қилиш ва янги ғояларни тажрибадан ўтказиш учун таянч мактаблар тизими яратилган. Тадқиқотларга тайёргарлик кўриш ва уларни ташкил этишни қўллаб-кувватлаш бўйича зарурий молиявий ва инсон ресурслари мавжуд. Ўқувчиларнинг саводхонлиги, мантиқий ва ижодий фикрлаш кўнікмалари ва компетенцияларини баҳолаш бўйича кўплаб халқаро дастурлари тажрибалари ўрганилиб, Ўзбекистон умумтаълим муассасаларида жорий этилган.

Халқаро баҳолаш дастурлари талаблари асосида ўтказилган тадқиқотларнинг таҳлиллари ўқувчиларда XXI аср қўнікма ва компетенцияларни ривожлантиришга катта аҳамият қаратилиши лозимлигини кўрсатмоқда. Бунинг учун эса, аввалам бор ўқитувчиларнинг малакасини ошириш, инновацион ўқитиш усулларини жорий қилиш алоҳида аҳамиятга эгадир. Жумладан, ўқитувчиларни тайёрлаш, малакасини ошириш ва қайта тайёрлаш тизимида қатор ишларни амалга оширишнинг долзарблиги намоён бўлмоқда. Лекин ушбу тадқиқотларнинг тамойилларини чуқурроқ ўрганиш ва таълим тизимига сингдириш бўйича кўплаб меъёрий-хуқуқий хужжатлар қабул қилиниши лозим.

Умумтаълим муассасалари ўқувчилари таълимдаги ютуқларини халқаро тадқиқотлар ҳамда миллий тадқиқотлар асосида баҳолаш орқали қўйидагиларга эришиш мумкин:

- юртимиздаги таълим тизимининг ютуқ ва камчиликлари юзасидан ўз вақтида ахборот олиш;



- таълим тизимида олиб борилаётган чора-тадбирлар ва дастурларнинг таъсирини таҳлил қилиш имконияти яратилади;
- таълим сифатини ошириш, халқаро миқёсда мамлакатнинг нуфузини мустаҳкамлашга ёрдам беради;
- ўқувчиларнинг билими, салоҳияти ва саводхонлик даражаларининг қай даражада шаклланганлигини билиш ҳамда халқаро миқёсда, хорижий мамлакатлардаги тенгдошлари билан таққослаш;
- таълим муассасаларидаги жорий этилган ўқитиш усулларини бошқа мамлакатлардаги усуллардан фарқли жиҳатлари ҳақида тасаввурга эга бўлиш;
- ўқувчиларнинг саводхонликни ривожлантиришга оид дарслар мактабларда қандай ташкил этилганлиги ҳақида маълумот олиш;
- ота-оналар томонидан ўқувчиларнинг билими ва саводхонлигини яхшилашда кўшилаётган хиссалари салмоғини билиш;
- ўқувчиларни фанлараро уйғунлик асосида баҳолаш, дунё бўйича умумий ва ҳар бир мамлакат кесимида таълим жараёнларини чукур таҳлил қилиш;
- таълим сифати ва самарадорлигига янгича қараш, замонавий, компетенциявий ёндошувлар, яъни ўқувчиларнинг олган билимларини реал ҳаётӣ вазиятларда қўллай олиш, ижодий ва мантиқий фикрлаш кўникмаларини баҳолаш ва ривожлантириш ёндашувини олиб кириш;
- шунингдек тизимда туб ислоҳотлар ва бурилишларга сабаб бўладиган стратегик қарорлар қабул қилиш учун зарурий маълумотларни олиш имкониятлари яратилади.

Ушбу ислоҳотлар орқали ўқувчи-ёшларнинг илмий-тадқиқот ва инновация фаолиятини, ижодий ғоялари ва ижодкорлигини ҳар томонлама қўллаб-қувватлаш тизимини жорий этишга йўналтирилади.

Шундай экан, миллий таълим тизимидан фарқли бўлғанлиги сабабли мазкур тадқиқотларга тайёргарлик кўриш, шу орқали таълим сифатини оширишга эришиш учун умумтаълим муассасалари жамоаларидан юксак масъулият, ўқувчилардан етарлича билим ва кўникмаларга эга бўлишлик, шунингдек ўқитувчilar замонавий инновацион ўқитиш усулларини ўзлаштириши лозим бўлади.

Ўқувчиларнинг мантиқий, ижодий фикрлаш компетенцияларини баҳолаш ва ривожлантиришда халқаро дастурлар тажрибалари асосида яратилган миллий баҳолаш тизими мухим ўрин тутади.

Ўқитувчиларнинг малакасини оширишда уларда ўқувчиларнинг математик, табиий-илмий ва ўқиши саводхонлиги ҳамда креатив фикрлаш, муаммоларни биргаликда ечиш каби компетенцияларини ривожлантиришга оид замонавий ўқитиш усулларидан фойдалана олиш кўникмаларини шакллантиришга эътибор қаратиш тавсия этилади.

Фойдаланилган адабиётлар:

1. Ўзбекистон Республикасининг “Таълим тўғрисида”ти қонуни. ЎРҚ-637-сон, 2020 йил 23 сентябрь.
2. Ўзбекистон Республикаси Президенти Ш.М.Мирзиёевнинг 2020 йил 24 январдаги Олий Мажлисга Мурожаатномаси. [www.president.uz](http://www.president.uz) – Ўзбекистон Республикаси Президентининг расмий веб сайти.
3. Ўзбекистон Республикаси Президентининг “Ўзбекистон Республикаси Халқ таълими тизимини 2030 йилгача ривожлантириш концепциясини тасдиқлаш тўғрисида” 2019 йил 29 апрелдаги ПФ-5712-сонли фармони. [www.lex.uz](http://www.lex.uz) – Ўзбекистон Республикаси қонун хужжатлари онлайн миллий базаси.
4. Ўзбекистон Республикаси Президентининг “2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Илм, маърифат ва рақамли иқтисодиётни ривожлантириш иили»да амалга оширишга тавсия этилади.

оширишга оид давлат дастури тўғрисида” 2020 йил 2 мартағи ПФ-5953-сон фармони. [www.lex.uz](http://www.lex.uz) – Ўзбекистон Республикаси қонун хужжатлари онлайн миллий базаси.

5. Ўзбекистон Республикаси Вазирлар Маҳкамасининг “Халқ таълими тизимида таълим сифатини баҳолаш соҳасидаги халқаро тадқиқотларни ташкил этиш чора-тадбирлари тўғрисида” 2018 йил 8-декабрдаги 997-сонли қарори. [www.lex.uz](http://www.lex.uz) – Ўзбекистон Республикаси қонун хужжатлари онлайн миллий базаси.

6. Ўзбекистон Республикаси Вазирлар Маҳкамасининг “Таълим бўйича Глобал ҳамкорлик гранти — бегараз техник кўмагидан фойдаланган ҳолда «Мактабгача ва умумий ўрта таълимни такомиллаштириш» лойиҳасини амалга ошириш чора-тадбирлари тўғрисида” 2014 йил 30 декабрдаги 371-сон қарори.

7. Ўзбекистон Республикаси Вазирлар Маҳкамасининг халқаро тараккиёт уюшмаси, таълимда глобал ҳамкорлик ташкилоти ҳамда натижаларга асосланган ёндашувлар учун глобал ҳамкорлик ташкилоти иштирокидаги «болаларни эрта ёшдан ривожлантиришни такомиллаштириш» лойиҳасини амалга ошириш чора-тадбирлари тўғрисида” 2020 йил 15 декабрдаги 789-сон қарори. [www.lex.uz](http://www.lex.uz) – Ўзбекистон Республикаси қонун хужжатлари онлайн миллий базаси.

8. Таълим сифатини назорат қилиш давлат инспекцияси ва Халқ таълими вазирлигининг “Халқ таълими тизимида таълим сифатини баҳолаш соҳасидаги халқаро тадқиқотларга тайёргарлик кўришга йўналтирилган таянч мактаблар фаолиятини ташкил этиш ҳақида” қарори. 2020 йил 8-май, 17/23-ққ-сон.

9. “Халқаро PIRLS 2021 дастурининг асосий тадқиқотларини ўтказиш учун танланган умумий ўрта таълим муассасаларида ўқувчилар билимини баҳолашни юқори савияда ташкил этиш тўғрисида” Таълим сифатини назорат қилиш давлат инспекциясининг 2021 йил 31 майдаги 15\*-сон ва Халқ таълими вазирлигининг 2021 йил 31 майдаги 19к/қ-сон қарори.

10. Таълим сифатини назорат қилиш давлат инспекцияси бошлигининг “Инсон капитали индекси – 2019 рейтингида Ўзбекистон Республикасининг тўлақонли аъзо сифатида эътироф этилишини таъминлаш мақсадида умумий ўрта таълим муассасаларида ўтказиладиган тадқиқотнинг тажриба-синов жараёнини ташкил этиш тўғрисида” 2019 йил 6 ноябрдаги 228-сон бўйруғи.

11. Таълим сифатини назорат қилиш давлат инспекцияси бошлигининг “Инсон капитали индекси – 2019 рейтингида Ўзбекистон Республикасининг тўлақонли аъзо сифатида эътироф этилишини таъминлаш учун маълумот тақдим этиш мақсадида умумий ўрта таълим муассасаларида ўтказиладиган тадқиқотнинг асосий синов жараёнини ташкил этиш тўғрисида” 2019 йил 18 ноябрдаги 235-сон бўйруғи.

12. Таълим сифатини назорат қилиш давлат инспекцияси бошлигининг “PISA дастури талаблари асосида “Ўқувчилар саводхонлигини баҳолаш бўйича Миллий тадқиқот ўтказиш” тўғрисида” 2020 йил 30 ноябрдаги 180-сон бўйруғи.

13. Таълим сифатини назорат қилиш давлат инспекциясининг “PIRLS 2021 тадқиқоти доирасида тажриба-синов жараёнини юқори савияда ташкил этиш тўғрисида” 2020 йил 8 октябрдаги 146-сон бўйруғи;

14. Таълим сифатини назорат қилиш давлат инспекциясининг “PISA-2022 дастури тажриба-синов жараёнини халқаро талаблар асосида ташкил этиш тўғрисида” 2021 йил 21 апрелдаги 62-сон бўйруғи.

15. Ўзбекистон Республикаси Халқ таълими вазирлигининг “Ўқувчилар билимининг Давлат таълим стандартларига мослиги даражасини аниқлашнинг амалдаги мониторинг механизмини такомиллаштириш тўғрисида” 2011 йил 17 сентябрдаги 213-сонли бўйруғи.

16. Таълим сифатини назорат қилиш давлат инспекцияси бошлигининг “REDS халқаро тадқиқотини ташкил этиш тўғрисида” 2021 йил 11 январдаги 4-сон бўйруғи;



Таълим сифатини назорат қилиш давлат инспекциясининг 2021 йил 4 мартағи 01-143 ва Халқ таълими вазирлигининг 2021 йил 4 мартағи 02-02/3-698-сонли кўшма хати;

17. Таълим сифатини назорат қилиш давлат инспекциясининг 2020 йил 11 ноябрдаги 03-311-сонли хати.

18. Винсент Грини, Томас Келлаген. Оценка национальных достижений на национальном уровне. Книга 1. Международный банк реконструкции и развития/Всемирны банк, 2008, 2011. Москва, Логос – 2011.

19. Пру Андерсен, Джордж Морган. Разработка тестов и анкет для национальной оценки учебных достижений. Книга 2. Международный банк реконструкции и развития/Всемирны банк, 2008, 2011. Москва, Логос – 2011.

20. Винсент Грини, Томас Келлаген. Проведение национальной оценки учебных достижений. Книга 3. Международный банк реконструкции и развития/Всемирный банк, 2008, 2011. Москва, Логос – 2014.

21. Шляйхер Андреас. Образование мирового уровня. Как встроить школьную систему XXI века? / Андреас Шляйхер; [пер. с англ. И.С.Денисенко, И.Ю.Облачно]; предисловие С.С.Кравцова. – Москва: Издательство «Национальное образование», 2019. – 336 с – (Антология образования). ISBN 978-96-64-300002 (англ.), ISBN 978-5-4454-1248-9 (рус.).

22. PIRLS 2021 Assessment frameworks. Ina V.S.Mullis and Michael O.Martin, Editors. Copyright © 2019 International Association for the Evaluation of Educational Achievement (IEA).

23. TIMSS 2019 Assessment framework. Ina V.S.Mullis and Michael O.Martin, Editors. International association for evaluation of educational achievement (IEA).

24. TIMSS 2023 Assessment frameworks. Mathematics. Ray Philpot, Mary Lindquist, Ina V.S.Mullis, Charlotte E.A.Aldrich.

25. <https://pirls.bc.edu/> Progress in international reading literacy study. Бошлангич синф ўқувчиликнинг ўқиш саводхонлигини баҳолаш халқаро дастурининг расмий веб сайти.

26. <https://timss.bc.edu/> Trend in international Mathematics and Science study. Халқаро математика ва табиий фанлар бўйича тенденция халқаро дастурининг расмий веб сайти.

27. <https://www.oecd.org/education/talis/> Teaching and learning international survey. Ўқитиш ва ўрганиш халқаро тадқиқотининг расмий веб сайти.